



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-455-4/21**
Datum: **22.10.2021. god**

«Agencija za vodno područje rijeke Save» Sarajevo rješavajući po zahtjevu pravnog lica «ZEDINA» d.o.o. Doboj Istok za donošenje Rješenja o vodnoj dozvoli za ispuštanje oborinskih onečišćenih otpadnih voda u prirodni recipijent sa lokaliteta objekta benzinske pumpe sa pratećim sadržajima izgrađenog u naselju Klokotnica Mala, općina Doboj Istok, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Pravnom licu «ZEDINA» d.o.o. Doboj Istok daje se vodna dozvola za ispuštanje oborinskih onečišćenih otpadnih voda u prirodni recipijent sa lokaliteta objekta benzinske pumpe sa pratećim sadržajima izgrađenog u naselju Klokotnica, na zemljištu označenom kao k.č. broj: 3563/1 K.O. Klokotnica, općina Doboj Istok.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se skladištenje nafte i naftnih derivata vrši u podzemnim, čeličnim, dvoplašnim rezervoarima ukupne zapremine 120m³ (2x60m³).
 - 2.3. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa prostora oko istakališta, saobraćajnih i manipulativnih površina nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u obližnji potok sa krajnjim ispuštom u rijeku Spreču.
 - 2.4. Prečišćene oborinske onečišćene vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.5. Objekte čija je svrha odvođenje i prečišćavanje onečišćenih otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 2.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).

- 2.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 2.9. Talog iz separatora se ne smije ni privremeno odlagati na česticu «vodno dobro» odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu predmetne benzinske pumpe obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «ZEDINA» d.o.o. Doboj Istok, dana 28.09.2021. godine podnio je zahtjev za izdavanje vodne dozvole za ispuštanje oborinskih onečišćenih otpadnih voda sa lokaliteta objekta benzinske pumpe sa pratećim sadržajima, izgrađenog u naselju Klokotnica, na zemljištu označenom kao k.č. broj: 3563/1 K.O. Klokotnica, općina Doboj Istok.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o registraciji u sudski registar broj: 032-0-Reg-11-000818 izdatog dana 30.05.2011. godine od strane Općinskog suda u Tuzli,
- Ovjerena kopija Uvjerjenja o poreznoj registraciji izdatog dana 22.03.2016. godine od strane Porezne uprave Federacije BiH – Kantonalni porezni ured Tuzla,
- Ovjerena kopija Uvjerjenja o poreznoj registraciji za PJ «Benzinska pumpa» Klokotnica izdatog dana 27.02.2004. godine od strane Porezne uprave – Kantonalni ured Tuzla,
- Kopija Uvjerjenja broj: 04/1-UPP/1-8604/07 o registraciji/upisu u Jedinostveni registar obveznika indirektnih poreza, izdatog dana 01.08.2007. godine od strane Uprave za indirektno – neizravno oporezivanje Banja Luka,
- Kopija Rješenja o odobrenju za građenje broj: 05-23-2-789/02 izdatog dana 02.12.2002.godine od strane Općinske službe za urbanizam, stambeno-komunalne poslove, geodetske, imovinsko-pravne poslove i katastar nekretnina, Općina Doboj Istok,

- Kopija Rješenja o upotrebi objekta broj: 05-23-3-286/14 izdatog dana 23.03.2005. godine od strane Općinske službe za urbanizam, stambeno-komunalne, geodetske, imovinsko-pravne poslove i katastar nekretnina, Općina Doboj Istok,
- Kopija Rješenja broj: 05-20-492/03 o odobrenju obavljanja djelatnosti – trgovina na malo motornim gorivima i mazivima izdatog dana 30.05.2003. godine od strane Općinske službe za privredu, obnovu i razvoj, Općina Doboj Istok,
- Glavni projekat – Benzinska pumpa «ZEDINA» u Klokotnici urađen od strane preduzeća IP «Krivaja» d.d. Zavidovići (šifra IM 044-02, august 2002. godine) - na uvid,
- Elaborat o zaštiti objekta BP «ZEDINA» od velikih voda Rijeke urađen od strane Projektnog ateljea «ARH» Tuzla - na uvid,
- Atestna dokumentacija broj: 14/02 i 18/02 za radioničku izradu čeličnog dvoplašnog rezervoara V=60m³ za podzemnu ugradnju Tv. Broj: 3561 i 3565 sačinjena od strane IP «Krivaja»d.d. Zavidovići,
- Kopija ugovora broj: 206-01/21 o čišćenju separatora i zbrinjavanju opasnog otpada sklopljenog dana 22.02.2021. godine između naručioca «ZEDINA» d.o.o. Doboj Istok i izvođača radova «KEMEKO-BH» d.o.o. Lukavac (priložen račun o čišćenju broj: 198-04/21 od 25.02.2021. god),
- Kopija ugovora broj: 86/20 o poslovnoj saradnji za monitoring otpadnih voda sklopljenog dana 17.12.2020. godine između «ZEDINA» d.o.o. Doboj Istok i «Inspekt RGH» d.o.o. Sarajevo,
- Kopija Rješenja o vodnoj dozvoli broj: UP-I/25-3-40-205-4/16 izdatog dana 08.09.2016. godine od strane «Agencije za vodno područje rijeke Save» Sarajevo,
- Kopija Rješenja o vodnoj dozvoli broj: 04/1-11-21-2498/21 za korištenje vode i ispuštanje sanitarno fekalnih voda izdatog dana 29.06.2021. godine od strane Ministarstva poljoprivrede, vodoprivrede i šumarstva Tuzlanskog kantona,
- Kopija Rješenja o okolinskoj dozvoli broj: 12/01-1-23-29715/16 izdatog dana 28.11.2016. godine od strane Ministarstva prostornog uređenja i zaštite okolice Tuzlanskog kantona,
- Kopija Izvještaja o monitoringu kvaliteta i kvantiteta otpadnih voda BP «ZEDINA» Mala Brijesnica broj: 1207/21, juli 2021. godine urađen od strane «Inspekt-RGH» d.o.o. Sarajevo,
- Dokaz o uplaćenju upravnoj taksi.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetnog objekta i tom prilikom je sačinjen Zapisnik o uviđaju broj: UP-I/21-3-40-455-3/21 od 20.10.2021. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni objekat benzinske pumpe sa pratećim sadržajima izgrađen uz magistralnu saobraćajnicu M17 Doboj-Tuzla u naselju Klokotnica, općina Doboj Istok se sastoji od uslužno prodajnog objekta, nadstrešnice sa automatima za istakanje goriva, podzemnih rezervoara za skladištenje goriva, rezervoara za TNP, separatora masti i ulja, parking i manipulativnih površina.
- Za predmetni objekat od strane Agencije doneseno je dana 08.09.2016. godine Rješenje o vodnoj dozvoli broj: UP-I/25-3-40-205-4/16.
- Za zahvat vode za sanitarne potrebe i ispuštanje sanitarno-fekalnih voda izdata je dana 29.06.2021. godine vodna dozvola broj: 04/1-11-21-2498/21 od strane Ministarstva poljoprivrede, šumarstva i vodoprivrede Tuzlanskog kantona.
- Zauljene oborinske vode sa radnih, saobraćajnih i manipulativnih površina se prikupljaju sistemom slivnih rešetki i kanalizacione mreže i odvode do separatora masti i ulja. Preliv iz separatora je, preko okna za monitoring u potok sa krajnjim ispustom u rijeku Spreču. Radne, saobraćajne i manipulativne površine su završno obrađene asfaltom odnosno betonom, sa padovima prema slivnim rešetkama.
- Smještaj goriva se vrši u ukopanim, čeličnim, dvoplašnim rezervoarima ukupnog kapaciteta 120m³.
- Monitoring otpadnih voda se vrši redovno. Na uvid predložen izvještaj o ispitivanju kvaliteta otpadnih voda za juli 2021. godine urađen od strane «Inspekt-RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.
- Čišćenje separatora vrši se redovno od strane «KEMEKO-BH» d.o.o. Lukavac prema posebnom Ugovoru (priložen radni nalog o čišćenju separatora od 25.02.2021. godine).

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva «ZEDINA» d.o.o. Doboj Istok, ispunio minimum uslova za izdavanje vodne dozvole za ispuštanje oborinskih onečišćenih otpadnih voda u prirodni recipijent sa lokaliteta objekta benzinske pumpe u naselju Klokotnica, općina Doboj Istok, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-I/21-3-40-455-2/21 od 15.10.2021. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju

Rukovodilac Sektora za izdavanje vodnih akata



Haris Ališehović, dipl.ing.građ.

Dostaviti:

- «ZEDINA» d.o.o. Doboj Istok
- Brijesnica Mala bb, 74206 Doboj Istok
- ⊖ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava